

**NO. SOALAN: 42**

**PEMBERITAHUAN PERTANYAAN BAGI JAWAB LISAN  
DEWAN RAKYAT**

**PERTANYAAN : LISAN**

**DARIPADA : TUAN WONG SZE PHIN @ JIMMY  
[ KOTA KINABALU ]**

**TARIKH : 24 MAC 2015**

**RUJUKAN : 7552**

**SOALAN:**

**Tuan Wong Sze Phin @ Jimmy [ Kota Kinabalu ]** minta **MENTERI DALAM NEGERI** menyatakan statistik pemastautin tetap (PR) atau kad pengenalan merah yang kini tinggal atau bekerja di negeri Sabah mengikut jantina, umur, tempat asal dan tempat tinggal sejak 1994.

## **JAWAPAN :**

**Tuan Yang di-Pertua,**

**Pengeluaran Kad Pengenalan Merah bertaraf Pemastautin Tetap (MyPR) adalah menggunakan peruntukan undang-undang di bawah Subperaturan 5(3)(b), Peraturan-Peraturan Pendaftaran Negara 1990 dan pemegang MyPR ini adalah bukan warganegara Malaysia. Oleh itu, sehingga 26 Februari 2015, Jabatan Pendaftaran Negara telah merekodkan sejumlah 47,102 pemegang kad pengenalan bertaraf Pemastautin (MyPR) yang dikeluarkan kepada warga asing yang beralamat di Sabah, memasuki Negara ini melalui dokumen perjalanan negara asal yang sah dan telah memenuhi syarat-syarat kelayakan yang ditetapkan.**

**Daripada jumlah tersebut, seramai 24,110 orang adalah lelaki dan baki seramai 22,992 orang adalah perempuan.**

**Selain itu, daripada jumlah tersebut, seramai 2,267 pemegang berumur di antara 12 sehingga 20 tahun, 40,013 pemegang berumur di antara 21 sehingga 69 tahun dan 4,822 pemegang berumur 70 tahun ke atas.**

**Berdasarkan jumlah keseluruhan tersebut juga, warga asing yang memegang MyPR dari lima (5) negara asal tertinggi adalah negara Filipina, Indonesia, Brunei, China dan Hong Kong.**